



Pou Piblikasyon Imedya: 03/05/2023

GOUVÈNÈ KATHY HOCHUL

GOUVÈNÈ HOCHUL PREZANTE ENVESTISMAN ISTORIK POU AGRIKILTI ETA NEW YORK LA NAN KAD BIDJÈ EGZEKITIF POU ANE FISKAL 2024 LA

*Gwo envestisman nan endistri agrikòl la sipòte chèn apwovizyonman
alimantè a epi pwomouvwa manje ak biznis lokal yo*

*Kredi enpo envestisman, devlopman mendèv ak inisyativ lokal yo pral sipòte
kiltivatè yo ak travayè agrikòl yo*

Gouvènè Kathy Hochul prezante sipò istorik pou endistri agrikòl New York la nan bidjè ane fiskal 2024 la. Pou reflete angajman solid Gouvènè Hochul te pran anvè kiltivatè yo ak pwodiksyon manje lokal yo nan Diskou Eta Leta 2023 li a, bidjè a gen ladan I gwo envestisman pou ogmante fabrikasyon manje ak acha manje lokal; etablisman yon Kredi Enpo pou Envestisman ki ranbousab pou sipòte kiltivatè yo ak travayè agrikòl yo; pwogramasyon pou konstwi mendèv agrikòl la epi ede efò agrikòl kominotè ak iben yo nan nivo lokal; novo inisyativ pou amelyore endistri bwason atizanal la; ak lòt ankò. Anplis de sa, sa a make dezyèm ane konsekitif nan finansman asistans lokal pou agrikilti ki bat rekò, ki prevwa pwogram rechèch, devlopman, maketing ak pwomosyon nan New York.

"Agrikiltè New York yo se kolòn vètebral eta nou an epi endistri agrikòl la esansyèl pou ekonomi nou an", **Gouvènè Hochul te deklare.** "Gwo envestisman sa yo pral kontinye sipòte agrikiltè New York yo pou yo ka kontinye mete manje fre sou tab nou yo, ede kominote riral nou yo pwospere, epi asire biznis manje ak bwason nou yo ka kontinye pwospere pou ane k ap vini yo".

Amelyorasyon nan chèn Apwovizyonman Alimantè

Bidjè ane fiskal 2024 la gen ladan I envestisman solid ki vize ogmante demann pou pwodwi agrikòl New York, ranfòse chèn apwovizyonman alimantè New York epi asire tout Nouyòkè yo kapab pwodui ak jwenn aksè nan manje fre ak lokal yo. Bidjè a amelyore pwogram jaden kominotè New York la avèk 2 milyon dola kòm finansman, epi li gen ladan yon pwogram sibvansyon 10 milyon dola pou sipòte etablisman mache agrikòl, makèt, koperativ manje, ak lòt magazen manje an detay similè, ansanm ak enfrastrikti sipò nan kominote ak rejyon defavorize yo nan eta a. Pwogram sa yo pral amelyore opòtinite aksè a manje nan kominote ki tradisyonèlman defavorize yo.

Plis Pwodui New York pou Lekòl nou yo

Bidjè ane fiskal 2024 la gen ladan tou zouti pou ede distri lekòl yo akeri ak achte pwodwi agrikòl nan men pwodiktè lokal yo, pou asire ke New York rete premye ak pi bon kliyan New York. Espesyalman, bidjè a ogmante limit diskresyonè pou achte manje pou lekòl yo a 150,000 dola, yon ogmantasyon enpòtan pa rapò ak limit anvan an. Anplis ranfòsman pwodiksyon lokal la nan Eta New York, bidjè a bay 50 milyon dola sou senk ane pou distri lekòl lokal yo pou sipòte enstalasyon pou kwit manje ki pral fasilité utilizasyon pwodui agrikòl fre Eta New York nan preparasyon repa pou timoun lekòl Kindègadenn rive 12yèm ane. Pwogram Sibvansyon Enfrastrikti Alimantè Lekòl la pral bay lekòl yo resous yo bezwen pou rasanble, estoke, trete, ak prepare pwodwi ki soti nan fèm yo, epi rann posib preparasyon manje fre, ki fèt lokalman ki prepare sou plas pou timoun lekòl yo.

Sipòte Pwodiktè Lokal yo

Nan bay plis sipò bay kiltivatè yo atravè Eta a, bidjè a ranbouse 20 pousan Kredi Enpo pou Envestisman pou kiltivatè yo pou senk ane. Kredi a ap disponib pou fèm yo kèlkeswa rantabilite yo, epi li pral aplike nan ane envestisman an ap fèt la. Kredi enpo ranbousab sa a pral bay yon ankourajman pou envestisman adisyonèl nan pwodiksyon ki soti nan fèm, tankou achte ekipman, ki gen ladan byodijestè anayewobik dènye modèl ki ka diminye emisyon yo. Apre yon peryòd kote fèm New York yo te fè fas ak anpil defi, tankou deranjman nan chèn apwovizyònman akòz pandemi an, ensètitid sou mache a, ak ogmantasyon depans mendèv, kredi enpo sa a pral ede pwodiktè New York tout dimansyon yo modènize ekipman ak pratik fèm yo epi pou yo ka pi konpetitif alavni.

Ann gade vè lavni, bidjè a gen ladan tou 1 milyon dola pou kreye yon gwo rezèv mendèv agrikòl nan Eta a pou ranfòse endistri agrikòl New York pou ane k ap vini yo. Sa ap gen ladan travay avèk pati konsène yo pou idantifye estaj ak aprantisaj atravè endistri a, epi travay ak enstitisyon edikatif yo pou asire ke yo ap anseye elèv yo konpetans ak estanda endistri a egzije yo. Inisyativ la pral konsantre tou sou konekte moun migran yo ak moun k ap chèche azil yo avèk travay nan endistri agrikòl ak alimantè a, tankou pwopoze pou ogmante finansman pou sèvis jiridik yo, ki pral sipòte moun sa yo pou yo jwenn estati travay legal yo. Gouvènè Hochul ap mande Depatman Agrikilti ak Mache a tou pou yo fè patenarya ak òganizasyon agrikòl yo pou ede travayè migran yo avèk sèvis travay, tankou seleksyon, fòmasyon nan lang, devlopman konpetans debaz ak plasman.

Sipòte Pwodiktè Bwason Atizanal yo

Bidjè a ogmante tou Kredi pou Pwodiksyon Bwason ki gen Alkòl (Alcoholic Beverage Production Credit, ABPC) pou distilatè ak diven, enkli pwodiktè bwason ki nan fèm. Kredi sa a ogmante pou diven ak bwason distile pou konpanse Enpo Endirèk, ki preuve sou premye 500,000 galon ki pwodui nan Eta New York, epi li bay pi bon egalite ant de klas bwason yo. Kounye a, New York se twazyèm pam ieta yo nan pwodiksyon diven ak dezyèm nan distilri atizanal yo.

Amelyorasyon nan Fwa Agrikòl

Bidjè a bay finansman enpòtan anplis pou Fwa Konte New York yo ak Gran Fwa Eta New York la, ki se eleman enpòtan nan agrikilti New York ki konekte publik la ak endistri enpòtan sa a ak tradisyon li yo. Bidjè a gen ladan yon envestisman 2 milyon dola nan fwa konte yo pou ede nan maketing ak pwomosyon yo nan yon efò pou respekte angajman Gouvènè Hochul pou amelyore kowòdinasyon ant fwa konte yo ak Gran Fwa Eta New York la epi ogmante opòtinite pou amelyore inisyativ pwogram jèn ak agrikòl nan tout fwa yo nan tout eta a.

Eta New York gen ladan yon endistri agrikòl k ap pwospere, avèk fèm li yo ak biznis manje ak bwason ki enpòtan pou ekonomi New York la. Eta a klase nan premye dis nan pwodiksyon plis pase 30 pwodui debaz, avèk yon ti kras plis pase yon ka nan mas tè eta a dedye pou agrikilti - apeprè twa milyon ekta tè. New York klase kòm pi gwo pwodiktè fwomaj blan, krèm si ak yogout nan Etazini; endistri pwodui letye a se dezyèm pi gwo sektè agrikòl nan eta a. Siwo erab, pòm, chou, ak pwa vèt an dezyèm plas; rezen se twazyèm. New York gen ladan operasyon agrikòl ki gwo kou piti, epi li anplwaye kèk nan metòd ki pi renome ak sofistike pou ekspedye manje ak pwodwi agrikòl atravè eta a ak mond lan.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)